

STATUT I SHOQERISE " KEDO GROUP " SHPK

Në Tiranë, sot më datën 17/ 12 / 2020 (Dymijë e njezete), ne seline e shoqerise Ortaket:

1. **Znj. Enkeleda HYSENBELLI**, atesia Veip, e datëlindjes 30.09.1971, lindur dhe banuese në Tiranë, Nesia Administrative Nr.9, madhore me zotësi të plotë juridike e për të vepruar, identifikuar me ane te Letërnjoftimit me numër personal H15930078J;
2. **Z. Kevin HYSENBELLI**, atesia Kasëm, i datëlindjes 07.03.1994 lindur dhe banues në Tiranë, Nesia Administrative Nr.9, madhor me zotësi të plotë juridike e për të vepruar, identifikuar me ane te Letërnjoftimit me numër personal J40307058S;
3. **Znj. Donika HYSENBELLI**, atesia Kasëm, e datëlindjes 08.07.1996, lindur dhe banuese në Tiranë, Nesia Administrative Nr.9, madhore me zotësi të plotë juridike e për të vepruar, identifikuar me ane te Letërnjoftimit me numër personal J65708072N;

me vullnet të lirë, të plotë e të singertë dhe iniciativën e lirë private, mbështetur në Kushtetutën e Republikës së Shqipërisë, në Kodin Civil në fuqi, në ligjin 9901 date 14.04.2008. "Për shoqëritë tregtare", në ligjin " Për Qendrën Kombëtare të Biznesit ", në atë Doganor, Fiskal e Tatimor, hartojme kete statut per shoqërinë me përgjegjësi të kufizuar me emërtimin: "**KEDO GROUP**" **Sh.p.k** më poshtë e quajtur "Shoqëria".

KREU I

Neni 1

Krijimi

Shoqëria "**KEDO GROUP**" **Sh.p.k**, është person juridik i së drejtës shqiptare. Shoqëri me përgjegjësi të kufizuar (me poshtë e quajtur "Shoqëria"), emertim i cili do te jete i stampuar dhe ne vulen e saj.-

Neni 2

Personaliteti juridik

Shoqëria fiton personalitetin juridik pasi të jetë regjistruar në Qendrën Kombëtare të Biznesit, në përputhje me kushtet dhe procedurat e parashikuara me ligj.

Shoqëria, pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.

Shoqëria "**KEDO GROUP**" **Sh.p.k**, është një e tille, kapitali i se cilës ndahet në kuota dhe që themelohet nga ortakët themelues që përballojnë humbje vetëm deri në kufirin e vlerës se kontributit të tyre në kapitalin themeltar.

Neni 3

Selia

Shoqëria e ka selinë në Tiranë, **Rruga "Elbasanit", Vila 5/78, Prane Fakultetit Ekonomik, Njesia Bashkiake Nr.2.**

Shoqëria mund të ndryshojë selinë e saj, të hapë zyra përfaqësie, te hapë degë jashte Republikës së Shqipërisë vetëm me vendim të asamblese se pergjithshme.

Shoqëria mund të hapë, mbyllë adresa dytesore, brenda Republikës së Shqipërisë, vetëm me vendim të administratorit.

Neni 4

Objekti i veprimtarisë

Shoqëria do të ketë si objekt të veprimtarisë:

"Aktivitet në fushën e mediave elektronike dhe të shkruara, botime të ndryshme, prodhim e publikim reklamash, tregtim paisjesh për nevojat e mediave elektronike. Ndermjetesim për blerje, shitje dhe dhënie me qira të pasurive të paluajtshme. Shitja, blerja, dhënia me qira e pasurive të luajtshme dhe të paluajtshme, si dhe çdo aktivitet tregtar financiar qiradhenes apo dorezenes që i vlereson të dobishme apo të nevojshme që sjellin përfitim ekonomik. Shoqëria mund të kryejë çdo lloj veprimtarie ekonomike që lejohet nga legjislati shqiptar".

Shoqëria ka të drejtë të shtojë objektin e veprimtarisë së saj, në çdo kohë sipas ligjeve në fuqi.

Neni 5

Kohëzgjatja

Shoqëria do të zhvillojë aktivitetin e saj për një periudhë kohore të papërcaktuar duke filluar nga data e regjistrimit në Qendrën Kombëtare të Biznesit.

KREU II

KAPITALI

Neni 6

Kapitali themeltar

Kapitali themeltar i shoqërisë është **ALL 100.000 (njqind mije Leke)** dhe është i ndarë në 3 Kuota. Secili ortak zotëron një kuote e cila përfaqëson vlerën totale të kontributit të derdhur prej tij në kapitalin e shoqërisë. Kapitali i shoqërisë zotërohet nga:

- **Znj. Enkeleda Veip HYSENBELLI**, zotëron **1 (një)** kuotë me vlerë të përgjithshme **33,333.33** Leke, që përbejnë 33.33 % të kapitalit themeltar të shoqërisë.
- **Z. Kevin Kasëm HYSENBELLI**, zotëron **1 (një)** kuotë me vlerë të përgjithshme **33,333.33** Leke, që përbejnë 33.33 % të kapitalit themeltar të shoqërisë.
- **Znj. Donika Kasëm HYSENBELLI**, zotëron **1 (një)** kuotë me vlerë të përgjithshme **33,333.33** Leke, që përbejnë 33.33 % të kapitalit themeltar të shoqërisë.

Pjesët e kapitalit themeltar nuk mund të përfaqësohen nga letra me vlerë të tregtueshme dhe as me kontribute në shërbime. Ortaket themelues përgjigjen për humbjet e shoqërisë përkundrejt të tretëve deri në vlerën e kontributit të tyre në kapitalin themeltar të shoqërisë;

Kontributi i ortakëve mund të jetë në para ose në natyrë (pasuri të luajtshme/të paluajtshme apo të drejta). Ortaket e shoqërisë i vlerësojnë kontributet në natyrë në marrëveshje të ndërsjella me njëri-tjetrin dhe i shprehin vlerat e tyre në para. Nëse nuk mund të arrihet një marrëveshje, secili prej ortakëve mund t'i drejtohet gjykatës përkatëse, për të ngarkuar një ekspert vlerësues, me një vendim me efekt detyrues. Raporti i ortakëve ose i ekspertit për vlerësimin e kontributeve i dorëzohet Qendrës Kombëtare të Biznesit së bashku me të dhënat e tjera të kërkuara për regjistrim.

Neni 7

Zmadhimi dhe zvogëlimi i kapitalit

Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nëpërmjet emërimit të një eksperti të autorizuar për këto kontribute në natyrë sipas kërkesës së administratorit.

Zvogëlimi i kapitalit realizohet me vendim të asamblesë se përgjithshme në të njëjtat kushte që kërkohen për ndryshimin e statutit. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë, të paktën 45 ditë përpara datës së mbledhjes së asamblesë se përgjithshme të thirrur për të marrë vendim rreth këtij projekti.

Zvogëlimi i kapitalit themeltar në një vlerë më të vogël se ajo e përcaktuar në nenin 6 të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale.

Në të kundërt shoqëria duhet të shndërrohet në një formë tjetër. Në rast moszbatimi të kërkesave të këtij paragrafi, çdo person i interesuar mund të kërkojë në rrugë gjyqësore prishjen e shoqërisë. Kjo prishje nuk mund të shpallet, në qoftë se rregullimi është bërë në ditën kur gjykata mbliçet për të marrë vendim.

Neni 8

Transferimi i kapitalit

Pjesët e kapitalit themeltar mund t'u transferohen personave të tretë që nuk bëjnë pjesë në shoqëri, vetëm me miratimin e asamblesë se përgjithshme.

Pjesët e kapitalit themeltar janë lirishit të transferueshme me rrugë trashëgimie. Ato janë të transferueshme edhe në rast ndarjeje pasurore mes bashkëshortëve. Gjithashtu janë të transferueshme ndërmjet bashkëshortëve si dhe ndërmjet paraardhësve dhe pasardhësve nëpërmjet akteve ligjore.

KREU III

ORGANET VENDIMMARRESE DHE DREJTUESE

Neni 9

Organi Vendimmarrës

1. Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e Administratorëve dhe të Drejtoreve të Përgjithshme;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "e" dhe "ç" të kësaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

2. Asambleja e përgjithshme merr vendime për çështjet e përcaktuara në shkronjat "e" dhe "ë" të pikës 1 të këtij neni, pas marrjes dhe shqyrtimit të dokumenteve përkatës.

3. Të drejtat dhe detyrimet e asamblesë së përgjithshme ushtrohen nga ortakët e shoqërisë. Të gjitha vendimet e marra nga asambleja së përgjithshme regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- ç) vendimet për riorganizimin dhe prishjen e shoqërisë.

Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i tretit ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

4. Ortakët mund të përfaqësohen edhe nga një tjetër person, nëpërmjet prokurës.

5. Mbledhja e zakonshme e asamblesë së përgjithshme thirret të paktën një herë në vit.

Neni 10

Kuorumi

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të votave.

Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë.

2. Nëse asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet përsëri jo më vonë se 30 ditë, me të njëjtin rend dite.

Neni 11

Marrja e vendimeve

1. Asambleja e përgjithshme vendos me tri të katërtat e votave të ortakëve pjesëmarrës ku prezent duhet të janë ortakët që zotërojnë më shumë se gjysmën e numrit total të votave, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

2. Asambleja e përgjithshme vendos me shumicën e votave të ortakëve pjesëmarrës, për çështjet e tjera të renditura në nenin 81 të këtij ligji.

3. Vlefshmëria e vendimeve, që përcaktojnë detyrime shtesë mbi ortakët, apo vendimet që kufizojnë të drejtat e tyre, të parashikuara në këtë ligj ose në statut, kushtëzohet nga miratimi i ortakut përkatës.

Neni 12

Ndryshimet e Statutit

Ndryshimet e statutit vendosen nga asambleja e përgjithshme.

Çdo ndryshim statuti duhet të depozitohet pranë Qendrës Kombëtare të Regjistrimit për të pasqyruar ndryshimet në skedën e shoqërisë.

Neni 13
Administrimi

Administratori emërohet dhe shkarkohet me vendim të asamblesë së përgjithshme të shoqërisë. Asambleja e Përgjithshme vendos për sistemin e administrimit, dhe në rastin e një organi administrativ me shumë administratorë, përcakton numrin e tyre dhe kompetencat. Administratori/rëit mund të jenë ose jo ortakë të shoqërisë. Administratori mund të shkarkohet në çdo kohë.

Administrator i shoqërisë është **Znj. Donika Kasëm HYSENBELLI**

Administratori i shoqërisë do të ushtrojë kompetencat e tij në këtë detyrë për një periudhë **5 vjecare**.

Neni 14
Kompetencat e Administratorit

Shoqëria administrohet nga një Administrator.

Administratori ka të drejtë e detyrohet të:

- a) kryej të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
- b) rrij një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- c) raportoj përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- d) Administratori përfaqëson shoqërinë përpara të gjitha personave fizike e juridike, publike dhe/ose private vendas apo të huaja, autoriteteve shtetërore Shqiptare apo të huaja, përfshi këtu autoritetet gjyqësore të të gjitha shkallëve.
- e) Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakëve të shoqërisë.
- f) nënshkruaj bilancin vjetor, bilancin e konsoliduar
- g) krijoj një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- h) Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e saj.
- i) Administratori ka të drejtë të nënshkruaj kontrata të ndryshme me furnitore, kliente, kontrata qiraje, përveç kontrata shit/blerje asetesh, pasurish të patundshme, kontratave kredish bankare apo nga të trete dhe hipotekime të pasurive të tundshme apo të patundshme të shoqërisë, për të cilat duhet të merret vendim i Asamblese së Ortakeve.
- j) Administratori ka të drejtë të nënshkruaj e hartoj çdo dokument e të kryejë në emër të Shoqërisë çdo veprim përballë të gjitha Bankave shqiptare apo të huaja në lidhje me çeljen apo mbylljen e llogarive rrjedhëse të Shoqërisë, si dhe të kryej veprime tërheqje e derdhje shumash nga këto llogari pa limit.
- k) Shoqëria nuk merr përsipër pasojat ndaj të tretëve kur ajo provon se të tretët e dinin që akti i administratorit e kalonte objektin e shoqërisë ose kur të tretët nuk mund ta injoronin këtë akt në rrethanat e dhëna, duke pasur parasysh faktin se vetëm shpallja e statutit nuk është provë e mjaftueshme;



l) Klauzolat e këtij statuti që kufizojnë kompetencat e administratorit, të cilat rrjedhin nga ky nen, duhet të respektohen nga të tretët.

m) Administratorit ose ortakut që nuk është person juridik, nuk u lejohej të kontraktojnë në çfarëdoq formë qoftë, të marrin hua te shoqëria, të japin pëlqimin në emër të saj, për paradhënie si dhe të bëhen dorëzënës apo të garantojnë në emër të saj angazhimet ndaj të tretëve. Në rast të kundërt kontrata është e pavlefshme.

Neni 15

Përgjegjësitë

Administratori është përgjegjës individualisht ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pa miratuara nga asambleja e përgjithshme që i sjellin dëm shoqërisë, i ngarkohen administratorit që ka bërë marrëveshjen, për të përballuar në mënyrë individuale pasojat përkatëse.

Përveç padisë për shlyerjen e dëmit që i ngarkohet personalisht administratorit, ortakët kanë të drejtë të ngrenë padi penale kundër administratorit.

Ortakët kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme.

Ortakët që nuk janë administrator, kanë të drejtë në çdo kohë të informohet personalisht për veprimtarinë e shoqërisë dhe të njihet me llogaritë dhe dokumentet e shoqërisë.

Neni 16

Viti Financiar

Viti financiar i Shoqërisë fillon më 1 Janar dhe përfundon me 31 Dhjetor.

Përrjashtëmishit vit i parë- financiar fillon nga data e regjistrimit të shoqërisë pranë Qendrës Kombëtare të Regjistrimit dhe mbyllet me 31 Dhjetor.

Neni 17

Bilanci i shoqërisë dhe dividendët

Brenda 6 muajsh nga mbyllja e vitit financiar, Mbledhja e asamblesë së përgjithshme, miraton bilancin e paraqitur nga Administratori.

Mbledhja e asamblesë së përgjithshme vendos rreth shpërndarjes së dividendit, pasi të jenë zbritur humbjet e vitit të mëparshëm financiar, siç edhe parashikohet nga ligji.

Neni 18

Ekspertët

Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e asamblesë së përgjithshme.

Në përfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorëzojë në kohë ortakeve për t' i shqyrtuar e miratuar mbi bazën e të drejtës vendimore që ka.

Neni 19

Bilanci

Bilanci Kontabël vjetor miratohet mbi bazën e vendimit me shkrim nga asambleja e përgjithshme i cili jo vetëm që dokumenton miratimin e tyre por vendos në lidhje me disponibilitetin e fondeve ligjore sipas nevojave të zhvillimit të mëtejshëm të shoqërisë dhe garantimin e veprimtarisë së rregullt të saj, duke pasur parasysh fondin e akumulimit, krijimin e fondit të veçante etj.

Neni 20

Dividendi

Të ardhurat neto (Dividendi) që mbeten pas veçimit të fondeve ligjore të mësipërme dhe të atyre për shlyerjen e çdo detyrimi fiskal apo likuidimit e pagesave ndaj të tretëve, i mbesin dhe i kalojnë në pronësi ortakeve të shoqërisë.

Neni 21

Shpërndarja ose prishja e shoqërisë

Shpërndarja ose prishja e shoqërisë mund të behet në çdo kohë dhe për çfarëdo shkak, edhe para plotësimit të afatit për të cilin është krijuar siç mund të jete :

- a) Humbja e kapitalit ose pafundësia e vazhdimit të mëtejshëm të veprimtarisë së saj;
- b) Në një nga mënyrat e parashikuara nga ligji " Për Alimentimin e Shoqërive Tregtare "
- c) Kur plotësohet afati i caktuar për ushtrimin e veprimtarisë tregtare.

Ne këtë rast asambleja e përgjithshme merr vendim me shkrim në të cilin parashikon mënyrën e likuidimit të shoqërisë, duke caktuar 1 apo disa likuidatorë dhe shënuar në çdo dokument të nxjerrë prej tij emrin e likuidatorit dhe emërtesën shtesë " Shoqëri në likuidim e sipër ".

Neni 22

Bashkimi dhe ndarja

Shoqëria me anë të bashkimit, mund t'i kalojë trashëgiminë e saj një shoqërie ekzistuese ose një shoqërie të re që ajo themelon.

Shoqëria gjithashtu me anë të ndarjes mund t'i kalojë trashëgiminë e saj disa shoqërive të tjera ekzistuese ose disa shoqërive të reja. Asambleja e përgjithshme e shoqërisë, që bën kalimin e trashëgimisë së saj në kuadrin e operacioneve të përmendura më lart përfiton pjesë të kapitalit themeltar nga shoqëria ose shoqëritë përfituese dhe sipas rastit një kompensim me para, vlera e të cilit nuk mund të kalojë 10 për qind të vlerës nominale të pjesëve të kapitalit themeltar të dhëna. Operacionet e përmendura më lart mund të realizohen ndërmjet shoqërive të formave të ndryshme.

Bashkimi ose ndarja sjell prishjen pa likuidim të shoqërisë që zhduket, dhe kalimin e plotë të trashëgimisë së saj te shoqëritë përfituese, në gjendjen në të cilën ndodhet kjo trashëgimi në datën e realizimit përfundimtar të operacionit. Bashkimi ose ndarja sjell njëkohësisht për ortakët e shoqërive që zhduken marrjen e cilësisë së ortakëve të shoqërive përfituese sipas kushteve të përcaktuara në kontratën e bashkimit ose ndarjes.

Neni 23

Afati i emërimit të likuidatorit, publikohet sipas kushteve që parashikon ligji përkatës duke specifikuar dhe dokumentet që duhen depozituar në Aneksin e Regjistrit Tregtar.

Neni 24



Likuidatori është i detyruar që të jetë i vëmendshëm dhe korrekt, si për realizimin e të drejtave për subjektet ndaj të cilëve shoqëria është kreditore dhe për ekzekutimin e detyrimeve, debive që shoqëria ka ndaj shtetit, shtetasve të veçante apo personave fizik apo juridik vendas apo të huaj.

Neni 25

Baza Ligjore

Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.

Për sa nuk parashikohet në këtë statut, do të zbatohen dispozitat e ligjit "Për shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

Neni 26

Mosmarrëveshjet



Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata e Rrethit Gjyqësor Tiranë.

Neni 27

Dispozita përfundimtare

Ky Statut u hartua në 4 ekzemplarë me përmbajtje dhe vlera të njëjta juridike, në gjuhën shqipe dhe pasi miratohet në parim dhe nen për nen nga Ortaket e shoqërisë tregtare "KEDO GROUP" Sh.p.k, nënshkruhet në të gjitha kopjet duke vendosur emrin, mbiemrin dhe firmën e tij origjinale.

ORTAKET E SHOQERISE

1. Donika Hysenbelli 
2. Kevin Hysenbelli 
3. Lucretia Hysenbelli 